

und gefehrde. Des to bekantnisze hebbe we Borchart voren. unse
ingesegel vor uns und unse nakomlinge, und we manschop, Bosze von
der Aszeborch ritter, min ingesegel, des ock Cort von der Asseborch
sin vedder hier to midde gebrucke, Hennig von Neindorpe min inges.,
des ock Jan von Neindorp sin broder hier to midde gebrucke, Fride- 5
rich von Hoym herren Hanses seel. sohne min inges., des ock Hansz
von Hoym sin broder hir to midde gebruke, Wilhelm von Hoyme
Friderich seel. sohne min inges., des ock Gevert und Konnemann von
Hoym sin broder hir to midde gebrucket, Albrecht von Wegeleve min
inges., des ock Diederich von Wegeleve sin vedder hir to midde 10
gebrucket, Diederich von Wyrthe min inges., Hansz von Kreyendorp
min inges., Arend Stammer Arendes seel. sohne min inges., des ock
Eghart Stamer sin broder hir to midde gebrucket, Borchart von Dit-
forde min ing., des we Bosze und Berend sin broder hir to midde
gebrucken, Jochim von Kischeleben min inges., des eck Hansz sin bro- 15
der hir to midde gebrucke, Heise Barckenfeldt min inges. vor¹ uns
allen und unse erben, und we borgem. und raht innunge und gantze
gemeinheit der stade Halb. Quedel. und Aschersleben unser stede
inges. vor uns und unse nakomlinge witlichen laten hangen an diszen
breff, und we Bosze dohmprobst, Conrad deken und gantze capitul to 20
dem dome to Halb. bekennen openbar in diszem silben breffe vor uns
und alle unse nakomlinge, dat disze vorgeschr. einigunge und ver-
dracht mit unser wischop willen und gantzer fulbort geschein is, und
hebben des to bekantnisze unse inges. bi des gen. unses gnadigen
herren siner manne und stede voren. inges. mit witschop laten hengen 25
an deszen silben breff, und is geschein na Christi gebort 1443 an dem
tage s. Johannis des hiligen dopers to middensommer.

Copie des 18. Jahrhunderts im Staats-Archiv zu Magdeburg in Cop. CIV
No. 306.

Aus der auf die Abschrift folgenden Beschreibung der Siegel geht hervor, 30
dass dem Schreiber die Originalurkunde vorgelegen hat.

378. *Der Rath zu Magdeburg ladet angesichts einer auf den 24. Aug.
angesetzten Versammlung der Hansestädte in Lübeck, wie die übrigen
sächsischen Städte, so auch Quedlinburg zu einer Vorversammlung auf
den 12. August nach Halberstadt ein. 1443. Aug. 1.* 35

Unsen fruntliken dinst thuvor. Ersamen besundern live frunde,
alje juwer live rede is vorgekomen, in welcher mate der erliken stede
sendeboden, de nilkst bynnen Luneborch vordaget weren, mit guder
betrachtunge und wolbedachtem mode eyne gutlike vordracht vorramet
hebben und dat men von des wegen der stede meninge up s. Jacobs 40
dage, also nilkst vorgangen is, bij dem ersamen rade to Lubeck scholde
hebben ingebracht etc., und nachdem also de tijd up s. Jacobs dage
vorben. wes to kort was, also dat gij und wij und andere erlike stede,

1) vor] von.